

**SAMOSTALNI SINDIKAT RADNIKA OSNOVNOG  
OBRAZOVANJA I ODGOJA TUZLANSKOG KANTONA**

Broj: 02-67/19  
Tuzla, 21.02.2019. godine

**MINISTARSTVO OBRAZOVANJA I NAUKE  
TUZLANSKOG KANTONA  
N/r Ministra**

**Predmet:** Reagiranje na akt i zahtjev za njegovo povlačenje.  
**Veza:** Vaš akt, broj:10/1-14-003233-19 od 20.2.2019. godine.

Uvaženi Ministre,

Povodom akta Ministarstva obrazovanja i nauke TK, broj i datum naveden u predmetu, koji ste uputili svim osnovnim školama čiji je osnivač Skupština Tuzlanskog kantona, kao reprezentativna sindikalna organizacija u oblasti osnovnog obrazovanja i potpisnik Kolektivnog ugovora za djelatnost osnovnog obrazovanja u Tuzlanskom kantonu („Službene novine TK“, broj: 3/17, 7/18, 16/18 i 17/18) u daljem tekstu: Kolektivni ugovor, dužni smo reagirati na sadržaj naznačenog akta, zatražiti njegovo povlačenje i u vezi s tim istaknuti slijedeće:

1. Naime, treba istaknuti da akt-Zahtjev Ministarstva finansija TK broj: 07/1-14-2611-2/19 od 12.02.2019. godine, koji je upućen **Ministarstvu obrazovanja i nauke TK, sa zahtjevom da od svog članstva prikupite pismene izjave** i iste dostavite u Službu za centralizovani obračun i isplatu plaća, **djeluje veoma zbunjujuće. Statut SSOOiO TK jasno i precizno utvrđuje ko i na koji način može biti član Sindikata.**
2. Na osnovu navedenog akta-Zahtjeva Ministarstva finansija, **Ministarstvo obrazovanja i nauke TK** (akt broj: 10/1-14-003233-19 od 20.2.2019. godine) **se direktno obraća „osnovnim školama čiji je osnivač Skupština kantona” i istim naglašava da su dužni od svojih zaposlenika prikupiti pisane izjave, koje će sadržavati sve elemente iz člana 68. Kolektivnog ugovora** i iste dostaviti Službi za centralizovani obračun i isplatu plaća. Dakle, navedenim aktom obratili ste se “poslodavcima” što svakako osporavamo i obrazlažemo u nastavku.

Dakle, sadržina akta broj:10/1-14-003233-19 od 20.2.2019. godine je sporna i za SSOOiO TK neprihvatljiva iz slijedećih razloga :


**Prvo**, radi se o sindikalnoj članarini koja je ekonomska osnova za sindikalno djelovanje i koja se ODBIJA od plaće radnika – člana Sindikata na osnovu njegove pisane saglasnosti-izjave u skladu sa Statutom i UPLAĆUJE u skladu sa Odlukom o visini i raspodjeli sindikalne članarine. Postupak i način sticanja i prestanka članstva te odbijanju/obustavljanju i uplati sindikalne članarine u SSOOiO TK bliže je definiran posebnim Uputstvom SSOOiO TK.

**Drugo**, obratili ste se direktno osnovnim školama dakle poslodavcima jer član 4. stav 2. Kolektivnog ugovora glasi :

**„Poslodavac u smislu ovog kolektivnog ugovora je osnovna škola na području koja se finansira iz Budžeta Tuzlanskog kantona (u daljem tekstu: Budžet Kantona), kod koje je radnik u radnom odnosu i obavlja određene poslove i radne zadatke, i kojem po tom osnovu poslodavac isplaćuje plaću i .....**”

Međutim, odredba člana 68. Kolektivnog ugovora upućuje isključivo **na obavezu poslodavca** za obustavljanje sindikalne članarine i uplate iste na račun sindikata a koji glasi:

**“Poslodavac je dužan, uz pisanu saglasnost radnika, obračunati i iz plaće radnika, obustavljati sindikalnu članarinu, te je uplaćivati na račun sindikata, u skladu sa uputama sindikata.”**



## SAMOSTALNI SINDIKAT RADNIKA OSNOVNOG OBRAZOVANJA I ODGOJA TUZLANSKOG KANTONA

Dakle, Sindikat je nadležan da od svojih članova traži i prikuplja podatke, izjave, saglasnosti i iste dostavlja poslodavcu (školi) na realizaciju.

**Zato napominjemo i ovim putem potvrđujemo da se svim našim članovima sindikalna članarina odbija na osnovu pisane izjave-saglasnosti prema Statutu SSOOiO TK i na osnovu Odluke o visini i raspodjeli sindikalne članarine i da je predočena poslodavcu (školi) sukladno odredbi člana 68. Kolektivnog ugovora.**

Treće, Samostalni sindikat radnika osnovnog obrazovanja i odgoja TK je samostalna sindikalna organizacija, dobrovoljna i nezavisna od javnih institucija, državnih organa ili bilo kakvih političkih uticaja. U okviru SSOOiO TK kao osnovni organizacioni oblik djelovanja djeluju sindikalne podružnice po principu jedna ustanova/škola – jedna sindikalna podružnica. **Međutim, moramo naglasiti da sindikalne podružnice nisu javne ustanove (škola, zavod ili centar) niti dio tih ustanova, nego su samostalne interesne sindikalne organizacije i potpuno nezavisne od bilo kojih organa poslodavca.**

Četvrto, ovim putem želimo jasno naglasiti da je SSOOiO TK preko svojih osnovnih organizacionih oblika djelovanja – sindikalnih podružnica u kontinuitetu realizirao ( i realizira za nove članove Sindikata) odredbu člana 68. Kolektivnog ugovora. **To znači da su izjave/saglasnosti radnika – članova Sindikata dostavljene u svakom pojedinačnom slučaju službi računovodstva svakog poslodavca, koja je iste prema našim podacima blagovremeno dostavljala Službi centralizovanog obračuna i isplate plaća.**

Peto, SSOOiO TK je Službi centralizovanog obračuna i isplate plaća dva puta dostavio Statut SSOOiO TK, Odluku o visini i raspodjeli sindikalne članarine i Uputstvo o sticanju i prestanku članstva **a sve sa ciljem potpune i pravilne implementacije odredbe člana 68. Kolektivnog ugovora.**

Šesto, imajući u vidu navedeno, SSOOiO TK Vas poziva da ukoliko imate potrebu pribaviti određene podatke ili se upoznati sa određenim činjenicama koji su vezani za funkcioniranje Sindikata, uključujući i pitanja vezana za sindikalnu članarinu, **da se isključivo obraćate nadležnim organima SSOOiO TK a nikako školama, odnosno ustanovama ili organima istih.**

Na osnovu svega iznesenog, Samostalni sindikat radnika osnovnog obrazovanja i odgoja Tuzlanskog kantona zahtijeva od Ministarstva obrazovanja i nauke TK da povuče za SSOOiO TK sporni akt, broj:10/1-14-003233-19 od 20.2.2019. godine.

### Napomena:

Ukoliko niste saglasni sa stavom i zahtjevom SSOOiO TK iznesenim u sadržaju ovog akta, onda u tom slučaju **ovaj akt ima se smatrati zahtjevom za tumačenje odredbe člana 68. Kolektivnog ugovora**, upućen Komisiji za tumačenje odredbi Kolektivnog ugovora temeljem člana 87. stav 2. alineja a.) Kolektivnog ugovora za djelatnost osnovnog obrazovanja u Tuzlanskom kantonu („Službene novine TK“, broj: 3/17, 7/18, 16/18 i 17/18).

### Dostavljeno :

- 1x – Ministarstvo obrazovanja i nauke TK
- 1x – Evidencija
- 1x – Arhiva



**PREDSJEDNIK**

*Sumedin Kulović*  
Sumedin Kulović.prof.